



Sportel pe Lenghe Furlane
dal Comun di San Zorç di Noiâr
cu la poie di Radio Onde Furlane
e de Ostarie Leterarie Contecurte



CE CONTINO A SAN ZORZ

*Serade di
Leterature par Furlan
e Contis Curtis*



**Par imparâ a scrivi
e preseâ lis contis curtis**

Leturis senichis di
CHECO TAM e MICHELE LONDERO
Musiche ledrose dai
IN 2 RIVE NO TOCJE
conduzion salvadie dal
OSTÎR di CONTECURTE

**PRESENTAZION DAL LIBRI
di SERAFINI RAFFAELE
FINALIST DAL SANT SIMON 2014**

CONTIS DI FAMEE

MIERCUS ai 14 di OTUBAR
20.30 - Sale des Conferencis
Vile Dora - San Zorç di Noiâr

Jentrade libare

E o sin rivâts insom dal **ultin apontament di Ce Contino a San Zorz**, la schirie di seradis che nô di Contecurte - Ostîr, Famei e Berlon - o vin metût adun cun la poie dal sportel de lenghe furlane di San Zorç di Noiâr. Podês lei lis cronachis des setemanis passadis **achì** (A ben scomençâ), **achî** (Parcè varessio di stâ a sintiti?) e **achì** (A savê contâle), cun dentri un biel pocjis di fotografiis, e 'nt podês cjatâ altris su **la nestre pagine facebook**.

Il teme de ultime serade al è chel anunziât, ven a stâi, **“E cumò che tu le âs contade?”**,

ma o vin lassât per ultime sere la sorprese plui gruesse par i nestrîs contecurtârs. Cui che al seguîs la Ostarie al à za capît cjalant [la imajine de locandine](#) chi parsore.

Se dut al va ben, par **miercus 14 di Otubar, dentri de serade di Ce Contino a San Zorz, e sarà fate une anteprime di CONTIS DI FAMEE**, ven a stâi la presentazion dal **prin libri di Serafini Raffaele, Ostîr di cheste Ostarie!**

Un libri di contis, par furlan, editât de Kappa vu, che al è stât finalist dal Premi Sant Simon dal an passât, e che chei che nus seguissin un fregul lu cognossin za, jessint che 2-3 contis a si puedin cjatâ propit ator par cheste ostarie o sul blog salvadi dal Ostîr.

Po dopo, come par solit, al sarà l'intervent dai nestrîs letôrs **Checo e Michêl**, la messe in sene di "*Voltâts par furlan*" e de "*Conte Misteriose*", cualchi *conte curtissime* e cualchidune cjolte de ostarie.

Framieç des robis, la musiche di scuinç dai **In 2 rive no tocje** e aromai si pues dîlu, ancje un pocje di mangjative ufierte dal Ostîr par festegjâ il so prin libri. Se o sês contecurtârs di chi ator, vigneit, che l'autôr al à plasê di viodius, cui che nol sarà, al vignarâ tirât dongje in spirt.

A miercus che al ven, a Ce contino a San Zorz, par sierâ in bielece.

Sês ducj invidâts!